

aljak na mamazangilja kata hana a limusulj

izua nakisumalji aravac a macidilj a uqaljai a kakedriyan, kavilianga nia papungadanan anga timadju tu aljak na mamazangiljan aya.

kavililj anga kemljang anga men, aicu a aljak na mamazangilja namangtjez a kemasicadja ravac a kedrikedri a vitjuqan a mangtjez, azua vitjuqan tjakudral tua kinacavacavan nimdju a pagalju.

ka mayatucu amen a pasemalaw tu tima timadju tua ramaljemaljeng, neka nu masalu tua nia kai. avanasika nu pasemalaw amen tua patjara timadju, aicu a aljak na mamazangiljan namangetjez a kasi tua vitjuqan a pinaka i B612, aicu a vitjuqan djinumak ka 1909 a cavilj.

a ramaljemaljeng amin a kemasi tua sisupuan a kemljang tusa i kacauan.

nakipapaulingaw aravac tua mareka namapakakaizuazua a sinitalem itua vitjuaq a aljak na mamazangiljan. izua ka puita, a i tjuzuma a vitjaqa, izua macidilj a malunai a caucau na madraudraw a parimasudj tua vad nua kasiw, pai saka naremekutj anga a pitjaivililj, ka ku sizuga timadju tua sizi, maqati a keman tua kudrakudral a kasiw, pai maleva ravac taicu timadju. ljakua mavarung uta timadju, kini ka kanen a hana a limusulj.

kivadaq timadju tjanuaken, a djuj nua limusulj a hana aki maqati a paljakev tu inika sikanan nu sizi tjaimadju. mapurpurpur aken a ljemenguaq tua hikuki, ku qaqivuin timadju, “ neka angata nu susu tua djuj na limusulj a hana, izua a ku kapurpurpur a sengsengan, maya ken a semupilj tusa inika namasan pazangal a sengsengan. ”

nasaljivalaw timadju a qivu, “ nu izua caucau i tua kaljiavan a vitjuqan, sa katjenglai anga tua kaitaitan a limusulj a hana, kumalji a pacun sakamaya tuazua marka vetjuqan, kinamaleva anga ravac timadju. ljakua nu sazuain nua sizi sa kani anga azua hana, nu kinemnem timadju, matu namasevus anga isauniuni a teljar nua vitjuqan, sa iniana masan pazangal aya su! ” saqetju aku varung sa ku tapulju-i a aljak na mamazangiljan sa ku sasai, sa ku zukan ta suqem na angalj na sizi nimadju.

a kinaizuanan a vitjuqan na aljak na mamazangiljan, izua uta a limusulj a hana. ljemita ta qadaw a semuap tua vitjuqan timadju, venljuc tua vunavun nu kasiw, parimasudj tua cemvucevud a sapui a gadu. maljekedrikedri a sapi nua zua gadu, maqati a sicala tua qecilu.

nu masulum anga caqevan anga ta galasu a limusulj a hana a paljakev. ka uri vaik anga izua ita vitjuqan, djiniqes anan a limusulj a hana, cinaqevan tua galasu a caqev, sa “ kana suljivatju anga ” aya a kipusa-u. qivu a hana tjaimadju, “ kana suljivatju. ” tjaulai a pizua a caqev, inika anga ka ken a semljudj tazua. nuri kisedjaluan aken tua kamarimari, kiken a kiquadilj a djavacen nua qatjuvitjuvi. inikaken a marekutj tua qemuzimuzi uta, ayatua izua uta ku gumac.

sau-in a kirimu a aljak na mamazangiljan nimadju, marekutju tu pacunan timadju tu naqemaung.



105 年全國語文競賽原住民族語朗讀【南排灣語】 高中學生組 編號 4 號  
小王子與玫瑰花

有一個很特別小男孩，後來我們都稱呼他為小王子。

後來才知道，小王子是從一個很遠的小星球來的，那個星球比他的身體大不了多少。但是當我們這樣跟大人介紹他的時候，沒人相信我們說的話。所以我們後來都告訴別人，小王子是來自B612小行星，這個小行星是在1909年被觀測到的。大人們只能從數字來瞭解世界的意義。

小王子對他行星上的各種植物很小心。有一次，別的星球上，有個懶惰的人忘了清理掉大樹的種子，造成了可怕的後果：我幫他畫的羊，可以吃掉大樹種子，這讓他很開心。但是他也擔心，羊會不會吃掉玫瑰花。他問我，玫瑰花的刺能不能保護它不被羊吃掉。

我忙著修飛機，就跟他說：「玫瑰花的刺一點用都沒有，我有正事要忙，不要拿這種不重要的事來煩我。」

他難過地說：「如果有人能在千萬顆星星中，愛上了一朵獨一無二的玫瑰花，他光是看著那些星星，就會感到無比幸福。但是如果羊跑去把那朵花吃了，對他來說，就好像所有的星星一下子全部熄滅了，你竟然覺得這不重要！」我難過地抱著小王子安慰他，幫他的羊畫了一個嘴罩。

小王子的星球上，住著一朵玫瑰花。他每天幫打掃星球，拔掉大樹的種子，清理火山。他的火山很小，可以用來煎蛋。

到了晚上他會用玻璃罩保護玫瑰花。要離開星球時，他幫玫瑰花澆水，罩上玻璃罩，跟她說：「珍重再見。」花兒跟他說：「再見了。把罩子放一邊吧，我不想用它了。如果我想認識蝴蝶，就得忍受毛毛蟲爬在身上。我也不怕野獸，我可是有爪子呢。」她催促小王子離開，其實是害怕他看到她流眼淚的樣子。